

Հոգին այն աշխարհից հովանավորում է հարազատներին, բայց՝ և հալածում է իրեն և իրայիններին վատություն անողներին և վնաս պատճառողներին: Ննջեցյալի նկատմամբ զանգեզուրցին զգում էր պատկառանք, նրան մեծարում և նրա օգնությունն էր հայցում, մյուս կողմից՝ երկյուղ էր կրում նրանից և նրա մեռած մարմնից և ամեն միջոց ձեռք էր առնում, որ թաղված տեղին անշարժ գամված մնա:

Այս զգացմունքի մեջ կար երկուություն: Այդ երկուությունը առանձնապես երևան էր գալիս զանգեզուրցու դեպի սրբերն ունեցած վերաբերմունքի մեջ: Զանգեզուրումն էլ թեև ոչ այնպես հաճախ, ինչպես Լեոնային Ղարաբաղում, պակաս չեն նրհատակների գերեզմաններ: Այսպես, Հին Գորիսի մոտ, գրեթե, իրար դիմաց, գյուղը պարփակող ձորահովտի լանջերին երկու քարայրեր ամփոփում են նահատակներին: Մեկը կոչվում է պարզորեն նրհատակ, մյուսը՝ Մարդարս՝ սրփ Մրբաճիրս: Այստեղ պատերին կախված կտեսնեք թելով կապված քարեր, որոնց հիվանդները հանձնել են իրենց տկարությունը: Սրփ Մրբաճիրսի մոտ տնկված ծառը մնում էր անձեռնմխելի: Նրա ճյուղի վրայից կախված պարաններով Բարեկենդանին կամ Վարդավառի տոնին աղջիկները ճիճն էին անում՝ ճոճվում էին, նրա աղբյուրից խմում էին նորածին երեխա ունեցողները, որ ավելի շատ կաթ ունենան կանայք: Գորիսի և Վերիշենի ճանապարհին Ղուրուշա կոչվող տեղում թաղված է մի ինչ-որ սուրբ մարդ, որի գերեզմանին ուխտ էին գալիս անխոս, մոմ վառում, քարերը համբուրում և նույնպես անխոս վերադառնում՝ երեսը նոսան միշտ դարձրած, քայլելով ետ-ետ: Արծվանիկի մոտ, Կարմիր վանքի տակ մի քարանձավում ապրել է մի ինչ-որ ճգնավոր և այդտեղ թաղվել: Նրա գերեզմանը ուխտատեղի էր: Սուրբ լեոնների գազաթներից ցույց են տալիս սուրբ գերեզմաններ: Նույնպիսի մի սուրբի գերեզման կա Չօրէֆղոնի եկեղեցում, որտեղ մոմ էին վառում և հեռանում միշտ երեսը նրան դարձած: Ողջի գյուղի մոտ ոչ միայն մահմեդականների կողմից, այլև հայերից հարգվում էր Փիրղոսիանի գերեզմանը, որի վրա մոմ կամ ճրագ էին վառում ճամփորդները, մանավանդ ձմեռվա ձյուն և բուք եղանակներին Տաշտունի (Իրբագուի) լեռնանցքով Մեղրու հովիտը տեղափոխվելիս:

Այսպիսի գերեզմանների մեջ թաղված ճգնավորների, նահատակների, սրբերի, անունները մնում են անհայտ: Նույնպես չի պահպանվել որևէ ավանդություն նրանց վարած կյանքի մասին¹⁰²: Այսպիսի անանուն գերեզմաններն ուխտատեղիներ էին: Նրանց մեջ թաղված ննջեցյալների հոգիները մեծարվում էին քարերը համբուրելով, մոմ կամ ճրագ վառելով, վօրձաճ, գառ կամ այլ մատաղ բերելով, աղոթքի մեջ նրանց զորության հովանավորությունն էր աղերսվում, հիվանդության ժամանակ՝ բժշկություն և այլն: Մյուս կողմից նաև վախենում էին նրանց թշնամական միջամտությունից և դժգոհությունից:

Այսպիսի ննջեցյալների հոգիներն արդեն կորցրած էին լինում իրենց անմիջական կապը տոհմի, գերդաստանի և համայնքի հետ, և արդեն փոխադրված հասարակ ննջեցյալների հոգիների շարքից գերբնական զորությամբ ունեցող անմարմին էակների շարքը, ոգիների շարքը:

¹⁰² Այստեղ պետք է նշել, որ Զանգեզուրումն էլ, ինչպես Լեոնային Ղարաբաղում գրեթե չի նշվում հայկական սրբերի պաշտամունքը և Գրիգոր Լուսավորչի, Գայանեի, Հովհաննիսի, Գևորգի, Մեսրոպի, Վարդանի և առհասարակ քրիստոնեական որևէ սրբի գերազանց պաշտամունք: Ինչպես, օրինակ՝ Նախիջևանի Ագուլիսի շրջանում՝ ս. Ստեփանոսի, Աբարատյան Այգեշատ շրջանում՝ ս. Աստվածածնի, Լոռում և Ղազախում՝ ս. Սարգսի: